

## Organisering og nye vedtekter

I 2018 kom det ny kommunelov og med det andre krav til korleis samarbeid mellom kommunar og mellom fylkeskommunar skal innrettast.

Lova opnar for ulike typar av samarbeid. I paragraf 17.1 står det:

*Et interkommunalt samarbeid skal foregå gjennom et interkommunalt politisk råd, kommunalt oppgavefellesskap, vertskommunesamarbeid, interkommunalt selskap, aksjeselskap eller samvirkeforetak, en forening eller på en annen måte som det er rettslig adgang til.*

Styret i Fjellnettverket og fleire av medlemmene har arbeidd med denne dette. Det har vore drøfta med fleire fylkesadvokatar, KS og ulike aktørar me kan samanlikne oss med. Men det har vore vanskeleg å finne ei god løysing slik Fjellnettverket er organisert i dag.

Arbeidet til Fjellnettverket kan samanliknast med eit politisk råd og ut frå innhaldet i samarbeidet vil det vere den mest naturlege organiseringa. Men etter innføring av ny kommunelov har fleire av medlemmene i nettverket vorte endra frå regionråd til interkommunale politiske råd, og det set nokon rammer. I forarbeida til kommuneloven heiter det:

*"Et interkommunalt politisk råd kan opprettes av to eller flere kommuner, to eller flere fylkeskommuner eller en eller flere kommuner og en eller flere fylkeskommuner. Det er altså mulig å samarbeide også på tvers av styringsnivåene i denne modellen. Et interkommunalt politisk råd kan ikke være deltaker i et annet interkommunalt politisk råd, se Prop. 46 L (2017–2018) s. 398.»*

Det har difor vore undersøkt om Fjellnettverket kan bli ei foreining. I dag har ikkje Fjellnettverket eit eige organisasjonsnummer, men høyrer inn under Viken fylkeskommune. Dei bidreg mellom anna med administrative ressursar i form av rekneskap, nettsider, data og husleige. Dei som arbeider med Fjellnettverket er tilsett i Viken fylkeskommune. Det vil vere problematisk for fylkeskommunen å få til den same støtta om Fjellnettverket skal bli ei foreining. I tillegg er Viken under oppløysing og Fjellnettverket vil frå 2024 høyre inn under Buskerud fylkeskommune. Nye Buskerud fylkeskommune er under etablering og det er knytt noko usikkerheit til korleis dei ser på dette spørsmålet.

Det har òg vore undersøkt om nettverket kan bli eit oppgåvefellesskap, eit vertskommunesamarbeid eller ha samarbeidsavtale knytt til arbeidet, men ingen av løysingane er så langt funne dekkande eller gode for nettverket.

Sidan nettverket truleg må gjere endringar, ber styret rådsmøtet om tilbakemeldingar frå medlemmene om korleis nettverket skal organiserast i

framtida. Dei ber rådsmøtet om fullmakt til å få på plass vedtekter/samarbeidsavtale slik at dette kan løysast innanfor tidsfristen satt i kommuneloven.